



CONFERENCE EPISCOPALE DU RWANDA

Secrétariat Général

B.P. 357 Kigali / Rwanda

Tél. : (+250) 252 575 439

E-mail : eglisecatholiquerwanda@gmail.com

N/Réf.: 144 – 20

KU BAKRISTU GATOLIKA (bose)

ITEKA RYONGERA INGINGO ESHATU MU BISINGIZO BYA BIKIRA MARIYA MUTAGATIFU

Twunze ubumwe na Nyirubutungane Papa Fransisko wakiriye ibyifuzo by'abakristu akemeza ko byagirira akamaro Kiliziya yose nk'umuryango w'Imana,

Dushingiye ku ibaruwa twohererejwe na Nyiricyubahiro Roberti Cardinali SARAH ukuriye Urwego rwa Vaticani rushinzwe gutsura umusyikirano nyobokamana n'imitangiye iboneye y'amasadakramantu, yo ku wa 20 Kamena 2020, igena aho iyo nyongera y'Ibisingizo birata Bikira Mariya Mutagatifu yashyirwa kugira ngo birusheho kunganira imbagi y'Imana mu isengesho,

Nejejwe no kubagezaho mu Kinyarwanda ingingo eshatu ziyongereyeho ari zo:

Mubyeyi w'impuhwe,

udusabire.

Mubyeyi dukesha amizero,

udusabire.

Buhungiro bw'abavuye mu byabo,

udusabire

Mboneyeho kubaha urutonde ruvuguruye rw'Ibisingizo bya Bikira Mariya twari dusanganywe mu gitabo cy'umukristu, urupapuro 114-116 kugira ngo mujye mubyongeramo nk'uko muri babisange ku mugerekwa w'iyi nyandiko mboherereje. Ibi bisobanuye kandi ko iri teka rizitabwaho mu icapiro ry'Igitabo cy'Umukristu ritaha.

Bikorewe i Kigali, ku wa 8 Nzeli 2020

Ku munsi wo kuvuka kwa Bikira Mariya Mutagatifu


✉ Filipo RUKAMBA,

Umushumba wa Diyosezi ya Butare na

Perezida w'Inama y'Abepiskopi Gatolika mu Rwanda

Bimenyeshejwe:

- Abepiskopi (bose)





CONFERENCE EPISCOPALE DU RWANDA

Secrétariat Général

B.P. 357 Kigali / Rwanda

Tél. : (+250) 252 575 439

E-mail : eglisecatholiquerwanda@gmail.com

IBISINGIZO BYA BIKIRA MARIYA BYONGEWEMO INGINGO 3

Nyagasani, utubabarire.

Kristu, utubabarire.

Nyagasani, utubabarire.

Kristu utwumve.

Kristu utwiteho.

Mana Data Nyir'ijuru,

utubabarire.

Mana mwana wakijije abantu,

utubabarire.

Mana Roho Mutagatifu,

utubabarire.

Butatu Butagatifu uri Imana imwe,

utubabarire.

MARIYA MUTAGATIFU,

udusabire.

Mariya Nyina wa Jambo,

udusabire.

Mubyeyi Mutagatifu w'Imana,

udusabire.

Mubyeyi wa Yezu Kristu,

udusabire.

Mubyeyi w'Umuremyi,

udusabire.

Mubyeyi w'Umukiza,

udusabire.

Mubyeyi wa Kiliziya,

udusabire.

Mubyeyi w'impuhwe,

udusabire.

Mubyeyi dukesha ingabire z'Imana,

udusabire.

Mubyeyi dukesha amizero,

udusabire.

Mubyeyi utagira inenge,

udusabire.

Mubyeyi uhorana ubumanzi,

udusabire.

Mubyeyi wagumirije kuba isugi,

udusabire.

Mubyeyi utigeze uhinyuka,	udusabire.
Mubyeyi ukwiye gukundwa,	udusabire.
Mubyeyi utangaza,	udusabire.
Mubyeyi ugira inama nziza,	udusabire.
Mubikira wahebuje ababikira bose,	udusabire.
Mubikira witonda cyane,	udusabire.
Mubikira ukwiye kubahwa,	udusabire.
Mubikira ukwiye gusingizwa,	udusabire.
Mubikira ufite ububasha,	udusabire.
Mubikira ugira ibambe,	udusabire.
Mubikira udahemuka,	udusabire.
Wowe rebero ry'ubutungane,	udusabire.
Wowe utubwiriza ibinyura Imana,	udusabire.
Wowe utuma twishima,	udusabire.
Ngoro ya Roho Mutagatifu,	udusabire.
Wowe ngoro ikwiye kubahwa,	udusabire.
Wowe wuje ubusabaniramana,	udusabire.
Rurabo rw'akataraboneka,	udusabire.
Munara wa Dawudi,	udusabire.
Wowe wisesuyeho ubuziranenge,	udusabire.
Wowe utatse urukundo,	udusabire.
Bushyinguro bw'Isezerano ry'Imana,	udusabire.
Umeze nk'irembo ry'ijuru,	udusabire.
Nyenyeri yo mu rukerera,	udusabire.
Mizero y'abarwayi,	udusabire.
Buhungiro bw'abanyabyaha,	udusabire.
Buhungiro bw'abavuye mu byabo,	udusabire.
Wowe umara intimba abayifite,	udusabire.
Wowe utabara abakristu,	udusabire.

Mwamikazi w'abamalayika,	udusabire.
Mwamikazi w'abasokuruza,	udusabire.
Mwamikazi w'abahanuzi,	udusabire.
Mwamikazi w'intumwa,	udusabire.
Mwamikazi w'abahowe Imana,	udusabire.
Mwamikazi w'abemeye Imana,	udusabire.
Mwamikazi w'ababikira,	udusabire.
Mwamikazi w'abatagatifu bose,	udusabire.
Mwamikazi utasamanywe icyaha cy'inkomoko,	udusabire.
Mwamikazi wajyanywe mu ijuru,	udusabire.
Mwamikazi waduhaye Rozari Ntagatifu,	udusabire.
Mwamikazi w'Afurika,	udusabire.
Mwamikazi w'amahoro,	udusabire.

Ntama w'Imana, wowe ukiza ibyaha by'abantu, udukize Nyagasani.
 Ntama w'Imana, wowe ukiza ibyaha by'abantu, utwiteho Nyagasani.
 Ntama w'Imana, wowe ukiza ibyaha by'abantu, utubabarire.

V. Mubyeyi Mutagatifu w'Imana urajye udusabira.

R. Tubone guhabwa ibyo Yezu Kristu yadusezeranyije.

Dusabe:

Nyagasani Mana yacu, turagusaba twe abawe uduhe guhorana ubuzima bw'umutima n'ubw'umubiri, maze ku bw'amasengesho ya Mariya Mutagatifu, Umubikira iteka, tubone gukira agahinda kariho kuri ubu, no kuzishima iteka mu ijuru. Ku bwa Yezu Kristu, Umwami wacu. Amen.